

কাদিসিয়্যার যুদ্ধ ছিল ইসলামের ইতিহাসের সবচেয়ে বড় এবং গুরুত্বপূর্ণ যুদ্ধগুলোর অন্যতম। এ যুদ্ধে পাঠানোর আগে মুসলিম বাহিনীর সেনাপতি সা'দ ইবনু আবি ওয়াক্কাস রাদ্বিয়াল্লাহু আনহু এর প্রতি উমার রাদ্বিয়াল্লাহু আনহু এর নসিহা কী ছিল জানেন?

আমীরুল মু'মীনি বর্ম, তলোয়ার আর তীরগুলোর ব্যাপারে প্রশ্ন করেননি। প্রশ্ন করেননি প্রস্তুতি, যুদ্ধকৌশল কিংবা শত্রুর দুর্বলতা নিয়ে। এগুলো নিয়ে চিন্তিত ছিলেন না উমার। প্রবল প্রতিপক্ষের বিরুদ্ধে যুদ্ধের জন্য বাহিনী প্রেরণের সময় উমার রাদ্বিয়াল্লাহু আনহু এর সবচেয়ে বেশি চিন্তা ছিল সময়মতো সালাত আদায় করা নিয়ে।

তিনি বলেছিলেন, সা'দ, সবাই যেন সময়মতো সালাত আদায় করে তা নিশ্চিত করতে হবে। কেননা আমরা পরাজিত হই আমাদের পাপের কারণে।